



واحد مستقيل آذربايجان جبهه سى

آند اولسون شرفيمه ايستيقلاييتى اولمايان بير خالقين

هنچ بير شئى يوخدور !!! ش. م. خيابانى

# جارچی

واحد مستقيل آذربايجان جبهه سى نين اورقان

يئنديجي ايل . سايى ۲۵

Jarchi , 6 Dezember 2003 No.25/7

۱۵ آذر ۱۳۸۲

## آناياسا نه دئيير ؟ (۲۲)

واحد مستقيل آذربايجان جبهه سى نين تکليف (پيشهاد) ائتدييي آناياسا ( اساس قانون) تاسلاغي(لايحه سى) نين ۵۳،۵۴ و ۵۵ - نجو ماده لرينده دئييلير :

۵۲- نجى ماده: ميللت وکيللرى نين توخونولمازليغي

۱) بير ميللت وکيلي علئيهينه ، هنچ بير زامان ، ائلل اوجايندا ياخود اونون کومسييونلارى نين بيرينده وئردييى سه سه، آچيقلاديغي دوشونجه و گوروشونه گوره عدلى ( حقوقي) و مسلکى تعقيب ائديلمه ز، ائلل اوجاغي خارجينده مسؤلييته چکمک اولماز ( جلب ائديله بيلمه ز). بو نهمت و تحقير ائتمک اوچون گئچه رلى دئييلدير .

۲) بير ميللت وکيلي گوناھ ايشله ديبي آندا ياخود اوندان سونرا تعقيب ائديلرکن ارته سى گون توتوقلاتمازسا ، جزالناماسى گره کن گوردويو ايش اوچون آنجاق ائلل اوجاغي نين ايجازه سى ايله سوروشدورمايا ( حئساب وئرمه يه) چاغريليب ، توتوقلاتا بيله ر .

۳) بوندان سوواي ، ميللت وکيللريندن هر هانسي بيريسى نين شخصى آزادليقلاريني محدودلاشديرماق ، ياخود اونون حاقيندا داوا آچيلماسينا ايجازه وئرمک ، آنجاق ۲۱ - نجى ماده اساسيندا مومکوندور .

آردى ۲ - نجو صفحه ده

## ۵۸- ايل سئوينج وکده ر

آذربايجان ميللتى نين بوتولوکده آرجيل آزادايق موباريزه سى تاريخينده موهوم دورره لردن بيرنده ۲۱ آذرده قورولان بير ايلليک ميللى حوکومتيدير. بئله بير حوکومتين وارليغي نه شونويست مستملکه چى تهران رژيمي نين ، و نه ده اونو حمايت ائده ن خارجى قوه لرین ايشينه ياريردى ، حتا روس ايمپئرياسى نين قيرمیزی چارى اولان ايستالين جنابلارى نيندا خوشونا گنده ن دئييل ايدى . او ميللى حوکومتن اوز سياسي مقصدلري اوچون يارارلناماق ايسته بيردى. ائله بونو ايستالين نين رحمتليک پيشه وري يه يازديغي مکتوبدادا گورمک مومکوندور. پيشه وري تهرانا بلى نئمه بيبي کيمي، ايستالين نينده اويونجاغينا چئوريلمک ايسته ميردى. حتا ميللى حوکومتين وارليغي و موحکمنه سيده روس ايمپئرياسى نين علئيهينه ايدى. چونكى او زامان روس مستملکه سينده اولان قوزئى آذربايجانين اوزون وعده لى اولاراق الدن گئتمه سى نئمک ايدى. ائله بونا گوره ده چار روسيى سى دورونده مشروطه اينقلابيندا اولدوغو کيمي، ميللى حوکومتين ده يوخ ائديلمه سى اوچون تهران رژيمي ايله آنلاشديلار. تهران ايسه روسلارا هنييه اولاراق ايران دئييله ن يئرین قوزئى حيصه سى نين نفت امتيازيني وئردى. البته کى بئله بير امتياز تهران رژيمي نين اربابلارى اولان اينگيليسلرين و آمريکاليلارین موافقتي ايله اولوشدور. بورادا اوزوموزده ن اولان، يادلارا قوللوقچولوق ائده نلرين خيانتلريده اونوبولمالدير.

محمد رضائين بويورغو ايله تهران اوردوسونون

آردى ۲ - نجى صفحه ده

## ميللى شعور و کيمليک (۲)

۲۰۰۰ ايل بوندان قاباق آروپا اولکه لرينده جريان ائده ن ميللت لشمه، يعنى ميللت اولاراق اوزونو درک ائتمه، اوزو- اوز مقدراتيني اليه آليب، حاکميتيني سئچمه اولوشومو» پروچئسى» اولوشور. عکسینه آذربايجان ميللتى ايکى اساس حيصه يه بولونه ره ک، فارس - روس کيملى ييني قبول ائتمه يه مجبور ائديلمه ده، اوزونون کيم اولدوغونو، وطنى نين هارا اولدوغونو، نه آد داشيديغيني بئله دوشونمه ميشيدير. اونا وئريله ن قوندارما کيمليکه

آردى ۲ - نجى صفحه ده

## دئموکراسى - چوخ گوروشلرولوک (پلوراليزم) اکسيک ليک دويغوسو

### (کومپلئکس)

بوگون وطنيميز آذربايجاندا گنده ن موباريزه و اونون ايشتيراکچيلارينا بيلک آچى سيندان ( علمى جهتن ) يانشماق ايسته بيرک. بونون اوچونده ياد بيللردن بيلميزه قاتيلميش علمى دئيملرى ( ترمينولوژولارى) گوزده ن کئچيرمک زورونداييق.

آردى ۲ - نجو صفحه ده

( جارچى ) گونئى آذربايجانين آزادليق ، مستقيلليک ، باغلى سيزليق جارچى سى دير!